

ՔԱՌԵԱՎՆԵՐ

ԳՐԵՑ

ՅՈՎՀԱՆՆԷՍ ՇԻՐԱԶ

Ինչ որ վառուած կ'երազէինք՝ ասենք տեսանք՝ յետոյ ի՞նչ,
Ասենք մենք էլ երջանկացանք՝ իրար հասանք՝ յետոյ ինչ,
Ասենք՝ աշխարհն էլ մեզ տուին, դրախտում էլ ման եկանք,
Աստըծուց էլ վեր դասուեցինք՝ էլ ի՞նչ յուսանք՝ յետոյ ի՞նչ...

* * *

Հրաշքներին հաւատում եմ, երբ նայում եմ իմ ազգին՝
Հազար մազէ կամուրջ անցաւ եւ անցնում է նա կրկին,
Հազարն անցել՝ այս մի մազէ նուրբ կամուրջն էլ որ անցաւ՝
Նոր եմ իրաւ հազար սրտով հաւատալու հրաշքին...

* * *

Քսաներորդ դարին ասի՝ ի՞նչդ է վսեմ, արնախում,
Բաւական է եղեոն Հայոց, որ քեզ ասեմ արնախում,
Երբ չես քաւում ծով մեղքերդ, երբ լեռներս են դեռ գերուած,
Երկու ահեղ արնախումիդ ի՞նչպէս չասեմ արնախում:

* * *

Թէ միշտ չարը յաղթող լինէր՝ կարիճն արծուի թեւ կ'ունենար,
Թէ յաղթուէր բարին էլ միշտ՝ ծիածանն էլ սեւ կ'ունենար,
Ա՛խ, ո՛չ բարին՝ աշխարհով մէկ, ո՛չ էլ չարն է չքանալու,
Ի՞նչ գիտնայի, որ չարն, աւա՛ղ, հազար ու մի ձեւ կ'ունենար:

* * *

Ձուած թռչնի բների պէս ամայացան յոյսերս,
Դեռ կոյր բախտիս խաւարներում խաբխափում են լոյսերս,
Մի ծառ էի, բայց սրտիս մէջ մի ողջ անտառ մոխրացաւ,
Վերադարձող հաւք էլ չեղան յոյսերիս յոյսն ու սէրս:

Այսքան տարի այս երգերով՝ միտք եմ անում, ի՞նչ արի,
Այս երգերով, այս վէրքերով ինչ որ արի՝ ջինջ արի,
Ես իմ մահը հազար տարով դուրս վանեցի աշխարհից, —
Թեկուզ հազարն երազ լինի՝ արթուն վիշտս նինջ արի:

* * *

Երգը դայլին մարդ կը դարձնի, բայց քանի՞ րիւր տաղ հանեմ,
Դառնամ քանի՞ Նարեկացի, որ մարդ-մարդը քաղ հանեմ,
Ա՛խ, չէ, մարդը այս է, որ կայ՝ հազար դար էլ յետոյ դամ՝
Հազար Նարեկ էլ ձեզ դառնամ՝ նորից պիտի ա՛խ անեմ...

* * *

Մի մարդու մէջ երկու մարդ կայ, մէկը՝ բարի, մէկը՝ չար,
Սեւ ու ճերմակ ցուլերի պէս հա բախում են անդադար,
Հա բախում են ճակատ-ճակտի, բայց ոչ մէկը չի յաղթում,
Աւա՛ղ, մի ողջ մարդկութիւն է մի բուռ մարդն էլ, ո՛վ աշխարհ:

* * *

Մարդու նման անդունդ մի՛ չիք, մութն է լուսադարձն անդամ,
Ամենախոր ծովից խորն է ամենակալ մարդն անդամ,
Ահա ինչո՞ւ բախտի նաւ է սուղում մարդն էլ ծովի պէս,
Ամենասեւ ծովից սեւ է իր Ժպիտի վարդն անդամ:

* * *

Մի ճամբորդ է յոյսով դնում, դնում, դնում՝ չի հասնում,
Իր ստուերն է առաջ թռել՝ ինքը դնում, չի հասնում,
Վախենում եմ ստուերն իրեն պատանք դառնայ կէս ճամբիս,
Մարդը նոր չէ, որ իր մտքից ետ է մնում՝ չի հասնում...

* * *

Վշտի ոչ մի կնճիռ չկայ արեւմուտքի ճակատին, —
Ինչո՞վ ամպեմ, որ կայծակեմ սուլթան-թուրքի ճակատին,
Կէս դար անցաւ, բայց մահիկը դեռ չի հանուել կախաղան,
Մասիս, դէթ մի քար տուր՝ խփեմ արեւմուտքի ճակատին...

* * *

Ծովի մօտով անցնող գետակ, ծովին շատ մի՛ մօտենայ,
Քեզ կուլ կը տայ, ոսկի վտակ՝ մովին շատ մի՛ մօտենայ,
Ինչ որ օտար դօրքը չարաւ՝ քո խաբուելը քեզ կ'անի՝
Քեզ կը ձուլէ ծովն անյատակ, ծովին շատ մի՛ մօտենայ:

* * *

Ջաղացքարի տակ էլ ձգէք՝ մի հատիկ եմ, դուրս կը դամ,
Գերեզմանս էլ թէ կորցնէք՝ նորից ազգիս յոյս կը տայ,
Այնքան պիտի Մասիս դուռամ, մինչեւ ես էլ մասխտում, —
Լոկ Մասիսի ձիւնից արեւ ու ձնծաղիկ դուրս կը դամ...

Գարուն, դէթ դու ինձ ծաղկունք բեր՝ ծաղիկ հասակս է անցնում,
Գէթ մի վերջին դուռանք ու սէր, ոսկեղիսակս է անցնում, —
Մի՞թէ պիտի մեռնող աչքերս աչքով փակող չունենամ,
Ամէն թաղման թափօրի հետ մահապսակս է անցնում:

* * *

Ծաղիկները լեզու չունեն, որ բողոքեն Աստծուն...
Ես որ ունեմ, ի՞նչ եմ շահել աղօթքներով իմ կոծուն, —
Չէ՛, Աստուած կա՛յ, մա՛րդը չկայ, ուրիշ է մարդն երազիս, —
Ձիւնից մաքուր, կրակից տաք մարդն է ցնորքն իմ ցնծուն:

* * *

Հազար տարի յետոյ էլ դամ՝ ձեզ լուսնի տակ կը տեսնեմ,
Դուրս չէք ելնի արեւի տակ, ձեզ պաղ լուսնեակ կը տեսնեմ,
Ա՛խ, մարդ ժայռը չի յղկուի՝ թեկուղ ծովերն իրար տան,
Անթիւ դարեր դան ու դնան՝ մարդուն վայրագ կը տեսնեն...

* * *

Թփին մեռած ծաղիկի նման միշտ կոյս մնաց իմ ողին,
Խաւարի մէջ լուսաստղի յոյս ու լոյս մնաց իմ ողին,
Հալուեց, դնաց, անէացաւ իմ մարմինը՝ մոմի պէս,
Յաւերթութեան տաճարի մէջ Յիսուս մնաց իմ ողին:

* * *

Ինձնից յետոյ ինչ էլ լինի՝ ես ձեր ասը չեմ ուզում,
Դրախտ լինի թէ ջրհեղէյ՝ ես ձեր դահը չեմ ուզում,
Ջրհեղէյին՝ Նոյան նման, կ'երթամ կ'իջնեմ Մասիսին,
Ես իմ երկրի սարը կ'ուզեմ, այլոց մահը չեմ ուզում:

* * *

Իմ ողջ կեանքում սպասեցի՝ սպասածս դուրս չեկաւ,
Սրտիս մէջ էլ ծովեր լացի, բայց լացածս դուրս չեկաւ,
Աստուածային կինն յայտնուեց երազներիս մէջ միայն, —
Ում գրկեցի՝ ինձ էլ պղծեց, երազածս դուրս չեկաւ...

* * *

Ի՞նչ իմանամ սիրուս գերին ո՞ր նարդիկը կը լինի,
Սիրուս վշտին կշռաքար միայն Սիսը կը լինի,
Եօթ Վանայ ծով ունի իր մէջ մի կաթիլը արցունքիս, —
Հայոց վշտիս կշռաքար լոկ Մասիսը կը լինի...

* * *

Մոլորուել եմ Վանայ ծովիս ու Սեւանայ ծովիս մէջ,
Աստ հովանում, անդ վառուում եմ՝ գերի Վանայ ծովիս մէջ,
Թէ վառուում եմ, թէ հովանում, թէ հովանում, թէ վառուում,
Գերեզմանս էլ վայ թէ վառուի, հայ նիրվանայ հովիս մէջ:

Ձինն ինքը, որ քեզ մեծ ասաց՝ որդիդ ի՞նչպէս չասի մեծ,
Խօսքիդ նայեց՝ անկեղծ ասաց, երգիդ ի՞նչպէս չասի մեծ,
Մի նարեկի փետրադրիչ, Թուր-կայծակի մի Սասնայ՝
Բաւ կը լինի, ո՛վ բանաստեղծ, աղբիդ ի՞նչպէս չասես մեծ...

* * *

Գախտնիքների քարանձաւ է թեկուղ լուսէ կինը միշտ,
Ինձ որ դաւեց՝ քեզ կը դաւէ միշտ նոր կ'ուզէ կինը միշտ,
Դրախտում որ Եւան դաւեց, դժոխքում էլ կը դաւէ,
Աստուածընծայ աչքն էլ դուրսն է՝ այս է կնոջ գինը միշտ...

* * *

Կակաչ, վայ թէ դու էլ հայ ես, որ սրտիդ մէջ սեւ կայ դեռ,
Թէ Հայ աչքով նայեն Մասսին՝ ձիւնին անդամ սեւ կայ դեռ, —
Խէթ մի՛ նայէք իմ երգերին, խենթը դուք էք, ոչ թէ ես,
Մի սրտիս մէջ Հայոց վշտի հազար ու մի ձեւ կայ դեռ...

* * *

Ինչ էլ ասէք՝ Մասիս կ'ասեմ, անխորտակ եմ այս կռուում,
Իր ձիւնի պէս բարձր ու սուրբ, բայց մենակ եմ այս կռուում,
Իմաստուն եմ բիւրոց համար, մէկոց համար եմ խելառ,
Բայց բիւրերս լուռ եմ դեռ, անյենակ եմ այս կռուում:

* * *

Ասում են, թէ ամէն հրաշք Աստծուց է դուրս գալիս,
Հրաշք էլ կայ՝ աստուածային մարդ-ողուց է դուրս գալիս,
Բայց դոյութեան անադորոյն, անդուծ կռիւն ինձ վկայ՝
Անմարդկային ամէն չար բան միշտ մարդուց է դուրս գալիս:

* * *

Արարատի ձիւնի նման սիրտս մաքուր մնաց միշտ,
Հայոց ծարաւ րոց կարօտին Բինդեոլ աղբիւր մնաց միշտ,
Ինչքան մնաց՝ ես մնացի բինդեոլներէս կարօտած՝
Ոտարորդիկ իմ ճամբեքին աշխարհը հուր մնաց միշտ...

* * *

Սիրտն ի՞նչ վաղէ, երբ չի հասնում անմահ ոգու ետեւից,
Երբ որ կ'ընկնի սիրտն իր ձիւնը ճամբէն դոցող մի ցաւից,
Թեկուղ հարիւր տարի բախէ, հազար դար էլ բարախէ՝
Կը ցամաքի մարմնիս ծովն էլ ոգուս անծիր ծարաւից...

* * *

Սիրտս լինէր վառուող մի մոմ, որ երբ մարուէր՝ վառէի,
Արեւն Հայոց կանթեղ լինէր՝ Մասիսն ի վեր վառէի,
Ա՛խ, չէ, արեւն աշխարհին է, լոկ հայ սարս ես կ'ուզեմ,
Ողջ աշխարհի չարը մի խուրձ սեւ խոտ լինէր՝ վառէի...

Այն երեսունն եօթը թուին յոյսն ինձ խաչեց իմ դարում,
Գաղտնի մահը ամէն սրտի ահեր թաչեց իմ դարում, —
Չարի ձեռքով, ով լուռ եղեռն, դու ո՛ր վարդն էլ քաղեցիր՝
Կողքի վարդը, տերեւն անգամ չհառաչեց իմ դարում...

* * *

Մի՛ պարծենայ, թէ շատ ծառ ես տնկել կեանքում, — հողն ասաւ —
Մէկ էլ տեսար՝ քո տնկածը քո իսկ դադարը դարձաւ, —
Քանի դնում՝ ապերախտ է դառնում աշխարհն անթաղոյց, —
Գլխիս դրեց իր ոտքն՝ ով որ իմ սանդուխքով բարձրացաւ...

* * *

Հայոց վշտի բոլոր մոլոր, խոլոր դարերն իմ հողում,
Վանայ ծովի արցունքն աչքին, գերի սարերն իմ հողում,
Մասիսներիս վիշտը լալով վեր եմ ելնում Արազած՝
Արնոտելով ազգիս գիպած բոլոր քարերն իմ հողում:

* * *

Մէկ որ ներես՝ հազար կանի — կինը՝ չարս կը տեսնեմ,
Շատ ներեցի... իմ խղճի մէջ խելագարս կը տեսնեմ,
Մի՛ հաւատայ անմեղսաբաւ արցունքներին կանացի,
Կնոջ գոհար աչքերի մէջ շիրմաքարս կը տեսնեմ:

* * *

Ես չգիտեմ, թէ իմ ազգին մի բան տալիս եմ, թէ ոչ,
Թեկուզ քնած իր մի յոյսին մի ձայն տալիս եմ, թէ ոչ,
Թէ ուզենայ՝ ես իմ ազգի գրան շունն էլ կը դառնամ, —
Ու չգիտեմ՝ իր Մասիսին մի բան տալիս եմ, թէ ոչ...

* * *

Ի՞նչպէս անեմ, որ իմ ազգը էլ վշտի տուգտ չմնայ,
Մասիս երեսնք ողջ ազգովին, էլ հայ պանդուխտ չմնայ,
Այն ժամ միայն, միայն այն ժամ ողջ ազգերին կը գրկեմ,
Երբ ուխտ գնամ Մասիսներին՝ անկատար ուխտ չմնայ:

* * *

Խայամ, գինին ինձ թոյն դառաւ, էլ չեմ խելառ խմելու,
Հաֆէզ, կինը ցաւս բերաւ, էլ չեմ յամառ սիրելու,
Բայց ա՛խ, կին ու գինուց բացի, որ ինձ վշտի ծով դառան,
Ծովս ուրիշ թաղող չունեմ, էլ չեմ ես ինձ տիրելու...

* * *

Ես տան ծաղիկ... Երանի է դաշտի ծաղիկն ինձ տալիս,
Մինչ իմ աչքը գուրսն է անվերջ՝ միտքս նա է միշտ գալիս,
Ծաղկամանս այն է, ինչ որ վանդակն՝ հաւքին երկնատենչ,
Երեսկ նրան, ով իր վիշտն է ազատութեան մէջ լալիս...

Սար կայ՝ ինքն իր ծնած ոսկին աշխարհ հանել չի կարող,
Սար կայ՝ արծաթն հանում աշխարհ, թաղ է դարձնում ոսկեշող,
Մինչ իմ ոսկին երգիս գլխով չունի արծաթ մի թաղիկ,
Մեղքը քոնն է, ազգ իմ, գլխիդ տէրը դառնալ չես կարող:

* * *

Մի երակս խենթ է կարծես, հազար ու մէկս՝ իմաստուն,
Բայց հազարից է, որ ձիւնը իմ քունքերին է նստում,
Երեսկ խենթ ու խելառ լինէր հազար ու մէկն իմ սրտի,
Որ չզգայի, խոր չզգայի՝ մնար դարունն իմ սրտում...

* * *

Ինչքան խորն է զգում սիրտը՝ իր ուղեղն է այնքան մեծ,
Անդրայ սիրտն էր, որ երէկ հազար ու մի սիրտ խմեց,
Ամենամեծ վշտոտ սիրտն է ամէն գահի արժանի,
Իրաւ... բայց կեանքն ինչո՞ւ արաւ ինձ բիւր անգամ գահընկէց...

* * *

Աշխարհ եկայ, երբ չորս հազարամեայ դարն էր կործանում,
Եղեռնահար Հայոց գմբէթն ու կամարն էր կործանում,
Իմ ազգի պէս բախտս հաղիւ անցաւ մաղէ կամուրջով,
Երբ, Յիսուսից անմեղ Հայոց ողջ աշխարհն էր կործանում:

* * *

Աչքիս մէկը՝ հօրս սիրով՝ ծովն է ծնել Սեւանայ,
Միւս աչքս՝ մօրս սիրով՝ ծովն է ծնել մեր Վանայ,
Վանայ ծովը մօրս կաթն է, Գիւմրին՝ օրոցքն հայրիկիս՝
Ահա ուսկից ես ծնուեցի Մհերի պէս մեր Սասնայ...

* * *

Թէ իրաւ է, որ աշխարհում իրաւ երկու աշխարհ կայ՝
Կ'ուղեմ կեանքս նրանց միջով Արազի պէս զրնգայ,
Որ զոյգին էլ ծաղկունքս տամ, համրոյրս տամ զոյգին էլ՝
Որ չբախուեն աչքերիս պէս զոյգ հայ ամբերն իմ ծաղկեայ:

(Շարունակելի)